

Broj: 01-02-1627/25
Sarajevo, 7. 10. 2025. godine

Z A P I S N I K
SA 24. REDOVNE SJEDNICE PREDSTAVNIČKOG DOMA PARLAMENTA
FEDERACIJE BiH, održane 25. 9. 2025. godine

Sjednica je počela u 10:09 sati.

Sjednicom je predsjedavao Dragan Mioković, predsjedavajući Predstavničkog doma.

Nakon intoniranja himne Bosne i Hercegovine, predsjedavajući Mioković pozdravio je zastupnice i zastupnike, goste, kao i predstavnike akreditovanih medijskih kuća koji prate rad sjednice.

Prema evidenciji Stručne službe, predsjedavajući je konstatovao da sjednici prisustvuje dovoljan broj zastupnika za kvalitetan rad i odlučivanje.

Potom je na glasanje stavljen zapisnik sa 23. redovne sjednice:

Sa 64 glasa *za*, 2 uzdržanih i 3 glasa *protiv* usvojen je Zapisnik sa 23. redovne sjednice.

Zastupnička pitanja

Mario Karamatić uputio je pitanje ministru Kemalu Hrnjiću, odnosno Federalnom ministarstvu poljoprivrede, zašto nije isplaćen podsticaj za 100 dunuma pšenice koju je uzorao Medžlis Islamske zajednice u Bihaću. Također je upitao zbog čega je smanjen podsticaj 2 feninga po litru mlijeka i ko je osoba koja je zabranila izvoz mlijeka u RS u trenutku kada Federacija ima viškove mlijeka.

Mahir Mešalić je rekao kako je dobio odgovor od gradonačelnika Stoca Stjepana Boškovića u kojem je navedeno da je njegovo zastupničko pitanje provokativno te da ga je stoga zamolio da bude u službi građana, bez obzira na njihovu nacionalnu i vjersku pripadnost. Također je rekao da gradonačelnik Stjepan Bošković sve više najavljuje krivične prijave protiv građana koji grade harem za ukop svojih preminulih.

Sanel Kajan izrazio je nezadovoljstvo jer na pitanja koja je uputio Gradskoj upravi Stoca i gradonačelniku Stjepanu Boškoviću nije dobio odgovore. Stoga je ponovio pitanja koja se odnose na diskriminaciju Bošnjaka na radnim mjestima u Gradskoj upravi Stoca.

Drugo pitanje upućeno je Ministarstvu industrije, energetike i rudarstva, a odnosi se na zemljište u Tuzli koje je firma *Pretis* platila više od 10 miliona KM.

Jednu urgenciju uputio je rukovodstvu, jer je nezadovoljan odgovorom koji je dobio od BH Telecoma u vezi sa zaduženjem od 750 miliona. Dobio je odgovor da je to zaduženje poslovna tajna.

Almedin Aliefendić prvo pitanje uputio je ministru rada i socijalne politike, a odnosi se na penzionere sa srazmjernim penzijama koji primaju minimalne iznose van FBiH, u iznosu od nekoliko eura. Drugo pitanje uputio je Vladi Federacije BiH, Federalnom ministarstvu energije, rudarstva i industrije, JP Elektroprivreda BiH i Federalnom ministarstvu okoliša i turizma, a odnosi se na zagađenje zraka u Kaknju.

Na pitanje zastupnika Almedina Aliefendića odgovorio je ministar **Adnan Delić**.

Alma Kratina postavila je pitanje gradonačelniku Bihaća: jesu li ispitani ozbiljni navodi koji se odnose na nepravilnost rada Centra za socijalni rad, a također se osvrnula na porodično nasilje Amele Bećirspahić-Midžić, upitavši šta je urađeno da se žrtva zaštiti.

Zastupnica je uputila i inicijativu usmjerenu na izmjenu Porodičnog zakona, tj. ukidanje naknada za postupak posredovanja kod razvoda braka.

Kenela Zuko prvo pitanje uputila je Ministarstvu rada i socijalne politike, a odnosi se na izmjene Zakona o ustanovama socijalne zaštite.

Drugo pitanje uputila je istom ministarstvu: kada će u upotrebu biti stavljen objekat *Urlenike* u ustanovi *Drin*.

Treće pitanje upućeno je Ministarstvu za pitanja boraca, a odnosi se na nepravedan status prema ženama - borkinjama.

Prisutnima se obratio ministar **Adnan Delić** i odgovorio na pitanja zastupnice Kenele Zuko uz kratko obrazloženje.

Mirza Čelik skrenuo je pažnju na izradu Etičkog kodeksa još nije završen te da komisija za njegovu izradu ne može postupati po svakodnevnim prijavama jer je Etički kodeks stavljen van snage.

Prvo pitanje uputio je JP *Autoceste*, zatraživši da se dostavi popis potpisanih ugovora za 2023., 2024. i 2025. godinu. Drugo pitanje upućeno je rukovodstvu Parlamenta, a odnosi se na kupovinu novog motornog vozila, odnosno koje je vozilo kupljeno i za koje potrebe će biti korišteno.

Salko Zildžić dva pitanja uputio je Ministarstvu finansija. Upitao je jesu li tačni podaci iz finansijskih izvještaja Federalnog zavoda PIO i Ureda za reviziju institucija FBiH prema kojima je od prelaska na trezorsko poslovanje Federalni zavod PIO, tj. za period od 1. 1. 2020. do 31. 12. 2024. godine, trebao u budžetu Federacije BiH obezbijediti određena sredstva za isplatu penzija po posebnim propisima na teret budžetskih sredstava. Drugo je pitanje bilo jesu li tačni podaci o isplaćenim penzijama za period 2020. i 2024. godine.

Bajro Makić uputio je pitanje Vladi FBiH: kada je Vlada FBiH donijela Srednjoročni program održavanja i zaštite, kao i Program rekonstrukcije, izgradnje i obnove javnih puteva u Federaciji BiH, zatraživši da mu se dostave podaci

Adisa Kokić-Hinović prvo pitanje uputila je Federalnom ministarstvu trgovine o tome šta se dešava sa izmjenama i dopunama Zakona o unutrašnjoj trgovini. Drugo pitanje upućeno je Federalnom ministarstvu zdravstva: zbog čega nikad nije stigao odgovor na pitanje koje je uputila vezano za provođenje Zakona o liječenju neplodnosti. Treće pitanje upućeno je Federalnom ministarstvu prometa i komunikacija: u kojoj fazi je izrada nacrt zakona o informacionoj bezbjednosti.

Drago Stanić izrazio je zadovoljstvo i zahvalio rukovodstvu Parlamenta, sekretaru Doma, stručnim službama i svima koji su učestvovali u postavljanju platforme za invalide.

Kenan Uzunović je iskazao nezadovoljstvo jer nikad nije dobio odgovor na pitanje koje je postavio na prošloj sjednici, a tiče se revizije Okolinske dozvole firmi *ArcelorMittal*.

Zastupničko pitanje uputio je JP *Autoceste Federacije*, a pitanje se odnosi na isključenje sa Koridora Vc u mjestu Nemila kod Zenice.

Ajla Milišić-Pepić uputila je inicijativu koja se tiče proširenja liste lijekova obaveznog zdravstvenog osiguranja. Jedno pitanje uputila je BH Telecomu: koliko je novca u periodu od 2015. do 2025. godine uloženo kroz saradnju i sponzorisanje privatnih medijskih kuća, poput Hayata, a koliko u ostale kuće. Uputila je još jednu inicijativu, a odnosi se na uspostavljanje saradnje sa firmom *Roshel* iz Kanade s ciljem poboljšanja kapaciteta unutar namjenske industrije u Federaciji BiH.

Damir Mašić prvo pitanje uputio je JP *Ceste Federacije BiH*, direktoru Ljubi Pravdiću, kada će početi izgradnja dionice na 12. transverzali - Stupska petlja do Aerodromskog naselja. Drugo pitanje odnosilo se također na direktora *Cesta Federacije BiH*:

jesu li *Ceste Federacije BiH* aktivirale bankovnu garanciju na garantni period prema preduzeću *Strabag*, koje – kako je rečeno - loše izvelo radove na izgradnji treće trake na saobraćajnici M-18 Tuzla – Sarajevo, odnosno dionici Čevljanovići - Nišići.

Slaven Raguž uputio je inicijativu Federalnom ministarstvu unutrašnjih poslova i Federalnom ministarstvu rada i socijalne politike da se uradi hitan nadzor nad radom kantonalnog MUP-a ZHK u dijelu prijema i obrade prijave spolnog zlostavljanja maljолjetnika. Federalno ministarstvo rada i socijalne politike, kazao je, treba uraditi inspekcijski nadzor u centrima za socijalni rad s ciljem provjere postupanja u slučajevima zaštite djece.

Na pitanje zastupnika Slavena Raguža odgovor je dao ministar **Adnan Delić**.

Edin Smajić uputio je pitanje predsjedavajućem Predstavničkog doma, da li je Vlada Federacije dostavila izvještaje o svom radu za 2023. i 2024. godinu i ako su izvještaji dostavljeni, kada će se razmatrati na sjednici.

Asim Kamber osvrnuo se na pitanje koje se odnosi na lišavanje slobode 17 policajaca u Sanskom Mostu. Zastupnik je ponovio isto pitanje i zatražio od resornog ministra Rame Isaka da obrazloži činjenicu koju je javno kazao za govornicom. Drugo pitanje odnosilo se na izbjegla i raseljena lica od aprila prošle godine, a upućeno je USKOK-u ili tužilaštvu.

Treće pitanje uputio je predsjedavajućem Doma, zbog čega nema izvještaja o radu Vlade u tačkama dnevnog reda, iako je u Program rada stavljeno da će biti.

U diskusiji o izmjenama i dopunama dnevnog reda učestvovali su: Mirza Čelik, Haris Šabanović, Admir Čavalić, Mario Karamatić, Mirsad Zaimović, Alma Kratina, Dennis Gratz, Karlo Nevistić, Asim Kamber, Mahir Mešalić, Damir Mašić, Salko Zildžić i Slaven Raguž.

Na glasanje je stavljen prijedlog zastupnika Mirze Čelika da se u dnevni red uvrsti informacija o gubitku radnih mjesta u Federaciji BiH u periodu od decembra 2024. do avgusta 2025. godine.

Zastupnik Mirza Čelik zatražio je pojedinačno izjašnjavanje. Nakon pojedinačnog izjašnjavanja, s 35 glasova *za*, 29 uzdržanih i 15 glasova *protiv*, navedeni prijedlog nije usvojen.

Na glasanje je stavljen prijedlog zastupnika Efendića da se sa dnevnog reda skine tačka dnevnog reda – Prijedlog Odluke o pristupanju izradi Prostornog plana Federacije BiH, koji s 31 glasom *za*, 21 uzdržanim i 17 glasova *protiv* nije usvojen.

Na glasanje je stavljen prijedlog Vlade FBiH da se Prijedlog Zakona o izmjenama i dopunama Zakona o visini stope zatezne kamate na javne prihode razmatra po hitnom postupku, koji s 48 glasova *za*, 7 uzdržanih i 22 glasa *protiv* - nije usvojen. Zastupnik Mahir Mešalić zatražio je pojedinačno izjašnjavanje. Nakon pojedinačnog izjašnjavanja, s 52 glasa *za*, 2 uzdržanih i 31 glasom *protiv* usvojeno je da se Prijedlog Zakona o izmjenama i dopunama Zakona o visini stope zatezne kamate na javne prihode razmatra po hitnom postupku.

S 53 glasa *za*, 3 uzdržanih i s 27 glasova *protiv*, usvojen je dnevni red. Zastupnik Mahir Mešalić zatražio je pojedinačno izjašnjavanje, nakon kojega je s 53 glasa *za*, 5 uzdržanih i s 26 glasova *protiv*, usvojen dnevni red 24. redovne sjednice:

DNEVNI RED

1. Prijedlog Zakona o izmjenama i dopunama Zakona o visini stope zatezne kamate na javne prihode – hitni postupak,

2. Prijedlog Zakona o izmjenama Zakona o prostornom planiranju i korištenju zemljišta na nivou Federacije Bosne i Hercegovine – skraćeni postupak,
3. Prijedlog Odluke o prihvatanju zaduženja po Sporazumu o zajmu između Bosne i Hercegovine i Međunarodne banke za obnovu i razvoj (IBRD) za Drugi programski zajam za razvojnu politiku zdravstvenih sektora u Bosni i Hercegovini,
4. Prijedlog Odluke o pristupanju izradi Prostornog plana Federacije BiH,
5. Izvještaj o radu za 2024. godinu i Finansijski plan s Programom rada za 2025. godinu Komisije za vrijednosne papire Federacije BiH,
6. Analitički izvještaj Fonda za zaštitu okoliša Federacije Bosne i Hercegovine za 2024. godinu,
7. a) Izvještaj o radu i finansijsko-materijalnom poslovanju Federalne agencije za upravljanje oduzetom imovinom za period 1. 1.-30. 6. 2024. godine,
b) Izvještaj o radu i finansijsko-materijalnom poslovanju Federalne agencije za upravljanje oduzetom imovinom za period 1. 7.-31. 12. 2024. godine,
c) Izvještaj o radu i finansijsko-materijalnom poslovanju Federalne agencije za upravljanje oduzetom imovinom za period 1. 1.-30. 6. 2025. godine,
8. Izvještaj o stanju u oblasti oduzimanja imovinske koristi pribavljene krivičnim djelom u Federaciji Bosne i Hercegovine – pregled podataka i rezultati analiza – Federalne agencije za upravljanje oduzetom imovinom za period 1. 1.-31. 12. 2024. godine,
9. Prijedlog zaključka Komisije za pitanja mladih Predstavničkog doma Parlamenta FBiH,
10. Prijedlog zaključaka Odbora za ekonomsku i finansijsku politiku Predstavničkog doma Parlamenta FBiH,
11. Izbori i imenovanja.

1. Prijedlog Zakona o izmjenama i dopunama Zakona o visini stope zatezne kamate na javne prihode – hitni postupak

Prijedlog Zakona utvrdila je Vlada FBiH.
Prijedlog Zakona razmatrala su nadležna radna tijela, o čemu su dostavila izvještaje.
Dodatno obrazloženje dala je Medina Dudo, pomoćnica federalnog ministra finansija.
U diskusiji su učestvovali: Slaven Raguž, Admir Čavalić, Salko Zildžić, Damir Nikšić, Fuad Abaspahić, Marko Cvitanović i Marijan Marijanović.

2. Prijedlog Zakona o izmjenama Zakona o prostornom planiranju i korištenju zemljišta na nivou Federacije Bosne i Hercegovine – skraćeni postupak

Prijedlog Zakona utvrdila je Vlada FBiH.
Prijedlog Zakona razmatrala su nadležna radna tijela, o čemu su dostavila izvještaje.
Dodatno obrazloženje dao je resorni ministar.
Prije otvaranja pretresa, predsjedavajući je, na osnovu člana 172. stav 3. Poslovnika, kazao da se ne radi o složenom i obimnom prijedlogu zakona te je stoga pozvao zastupnike da se izjasne hoće li se prijedlog razmatrati po skraćenom postupku, što je s 51 glasom *za*, 2 uzdržanih i s 10 glasova *protiv* - usvojeno.
U diskusiji su učestvovali: Melika Mahmutbegović, Nijaz Helez, Admir Čavalić, Adnan Efendić, Damir Nikšić i Mladen Bošković.

3. Prijedlog Odluke o prihvatanju zaduženja po Sporazumu o zajmu između Bosne i Hercegovine i Međunarodne banke za obnovu i razvoj (IBRD) za Drugi programski zajam za razvojnu politiku zdravstvenih sektora u Bosni i Hercegovini

Prijedlog Odluke utvrdila je Vlada FBiH.

Prijedlog Odluke razmatrala su nadležna radna tijela, o čemu su dostavila izvještaje.

Dodatno obrazloženje dao je predstavnik Vlade FBiH Vedad Nezirić.

U diskusiji su učestvovali: Melika Mahmutbegović, Hajrudin Kozarević, Slaven Raguž, Mara Đukić, Safet Omerović, Mladen Bošković, Dajana Čolić i Admir Čavalić.

4. Prijedlog Odluke o pristupanju izradi Prostornog plana Federacije BiH

Prijedlog Odluke utvrdila je Vlada FBiH.

Prijedlog Odluke razmatrala su nadležna radna tijela, o čemu su dostavila izvještaje.

Dodatno obrazloženje dao je predstavnik Vlade FBiH.

U ime Odbora za prostrono uređenje, stambeno-komunalnu politiku, ekologiju i turizam obratio se zastupnik Adnan Efendić.

U diskusiji su učestvovali: Amir Ibrović, Admir Čavalić i Adnan Efendić.

5. Izvještaj o radu za 2024. godinu i Finansijski plan s Programom rada za 2025. godinu Komisije za vrijednosne papire Federacije BiH

Izvještaj o radu Komisije za vrijednosne papire i finansijski plan s Programom rada za 2025. godinu dostavio je predsjednik Komisije za vrijednosne papire.

Izvještaj o radu razmatrala su nadležna radna tijela, o čemu su dostavila izvještaje.

U ime Komisije za vrijednosne papire FBiH obratio se Adnan Zukić.

U ime Odbora za ekonomsku i finansijsku politiku obratio se Admir Čavalić.

U diskusiji su učestvovali: Mirjana Marinković-Lepić, Slaven Raguž, Kadrija Hodžić i Haris Šabanović.

6. Analitički izvještaj Fonda za zaštitu okoliša Federacije Bosne i Hercegovine za 2024. godinu

Analitički izvještaj dostavila je Vlada FBiH.

Izvještaj su razmatrala nadležna radna tijela, o čemu su dostavila izvještaje.

Predsjednik NO Fonda za zaštitu okoliša FBiH dao je dodatno obrazloženje.

U diskusiji su učestvovali: Admir Čavalić, Damir Nikšić, Miralem Galijašević, Slaven Raguž, Edin Smajić, Dževahid Sokić, Kadrija Hodžić, Adnan Efendić, Amir Ibrović, Nihad Krajinović, Salko Zildžić, Begajeta Čaušević, Adnan Aliefendić, Mirjana Marinković-Lepić, Ivica Šarić, Mahir Mešalić i Mirsad Zaimović.

7. a) Izvještaj o radu i finansijsko-materijalnom poslovanju Federalne agencije za upravljanje oduzetom imovinom za period 1. 1.-30. 6. 2024. godine,
b) Izvještaj o radu i finansijsko-materijalnom poslovanju Federalne agencije za upravljanje oduzetom imovinom za period 1. 7.-31. 12. 2024. godine
c) Izvještaj o radu i finansijsko-materijalnom poslovanju Federalne agencije za upravljanje oduzetom imovinom za period 1. 1.-30. 6. 2025. godine

Izvještaj je dostavila Vlada FBiH.

Izvještaj su razmatrala nadležna radna tijela, čije su izvještaje zastupnici dobili.

U diskusiji su učestvovali Mahir Mešalić i Mladen Bošković.

8. **Izvještaj o stanju u oblasti oduzimanja imovinske koristi pribavljene krivičnim djelom u Federaciji Bosne i Hercegovine – pregled podataka i rezultati analiza – Federalne agencije za upravljanje oduzetom imovinom za period 1. 1.- 31. 12. 2024. godine**

Izvještaj je dostavila Vlada FBiH.

Izvještaj su razmatrala nadležna radna tijela, čije su izvještaje zastupnici dobili.

Dodatno obrazloženje dao je ovlašteni predstavnik Federalne agencije za upravljanje oduzetom imovinom.

U diskusiji niko nije učestvovao.

9. **Prijedlog Zaključka Komisije za pitanja mladih Predstavničkog doma Parlamenta FBiH**

Prijedlog Zaključka dostavila je Komisija za pitanja mladih Predstavničkog doma.

Prijedlog Zaključka zastupnici su dobili, a u ime Komisije za pitanja mladih dodatno obrazloženje dala je Adisa Kokić-Hinović.

U diskusiji su učestvovali Admir Čavalić i Lana Prlić.

10. **Prijedlog Zaključka Odbora za ekonomsku i finansijsku politiku Predstavničkog doma Parlamenta FBiH**

Prijedlog Zaključka dostavio je Odbor za ekonomsku i finansijsku politiku.

Prijedlog Zaključka zastupnici su dobili.

Predsjedavajući Dragan Mioković obratio se prisutnima i zatražio da se u stenogram unese: Parlament Federacije FBiH je dvodoman i ne postoji način da se on obaveže, kao što je navedeno u Prijedlogu Zaključka Odbora za ekonomsku i finansijsku politiku.

U ime Odbora za ekonomsku i finansijsku politiku obratio se Admir Čavalić.

U diskusiji su učestvovali: Admir Čavalić, Damir Mašić, Slaven Raguž i Haris Šabanović.

*** Pauza ***

Nakon održane pauze prozivkom je utvrđen kvorum te je konstatovano da sjednici prisustvuje dovoljan broj zastupnika za daljnji rad i odlučivanje.

1. Prijedlog Zakona o izmjenama i dopunama Zakona o visini stope zatezne kamate na javne prihode – hitni postupak

Na glasanje je stavljen Prijedlog Zakona o izmjenama i dopunama Zakona o visini stope zatezne kamate na javne prihode. S 55 glasova *za*, 7 uzdržanih i sa 16 glasova *protiv* usvojen je Prijedlog Zakona o izmjenama i dopunama Zakona o visini stope zatezne kamate na javne prihode.

Zaključak koji je predložio zastupnik Slaven Raguž, nije usvojen.

2. Prijedlog Zakona o izmjenama Zakona o prostornom planiranju i korištenju zemljišta na nivou Federacije Bosne i Hercegovine – skraćeni postupak

Na glasanje je stavljen Prijedlog Zakona o izmjenama Zakona o prostornom planiranju i korištenju zemljišta na nivou Federacije Bosne i Hercegovine. S 50 glasova *za*, 2 uzdržanih i s 25 glasova *protiv* usvojen je Prijedlog Zakona o izmjenama Zakona o prostornom planiranju i korištenju zemljišta na nivou Federacije Bosne i Hercegovine, u tekstu kako ga je predložila Vlada Federacije BiH. Zastupnik Mahir Mešalić zatražio je pojedinačno izjašnjavanje. Nakon pojedinačnog izjašnjavanja, s 50 glasova *za*, bez uzdržanih i s 33 glasa *protiv*, navedeni prijedlog je usvojen.

3. Prijedlog Odluke o prihvatanju zaduženja po Sporazumu o zajmu između Bosne i Hercegovine i Međunarodne banke za obnovu i razvoj (IBRD) za Drugi programski zajam za razvojnu politiku zdravstvenih sektora u Bosni i Hercegovini

Na glasanje je stavljen Prijedlog Odluke o prihvatanju zaduženja po Sporazumu o zajmu između Bosne i Hercegovine i Međunarodne banke za obnovu i razvoj (IBRD) za Drugi programski zajam za razvojnu politiku zdravstvenih sektora u Bosni i Hercegovini. S 52 glasa *za*, 4 uzdržanih i s 19 glasova *protiv* usvojen je Prijedlog Odluke o prihvatanju zaduženja po Sporazumu o zajmu između Bosne i Hercegovine i Međunarodne banke za obnovu i razvoj (IBRD) za Drugi programski zajam za razvojnu politiku zdravstvenih sektora u Bosni i Hercegovini.

4. Prijedlog Odluke o pristupanju izradi Prostornog plana Federacije BiH

Na glasanje je stavljen Prijedlog Odluke o pristupanju izradi Prostornog plana Federacije BiH. Nakon pojedinačnog izjašnjavanja, sa 51 glasom *za*, 1 uzdržanim i s 32 glasa *protiv* usvojen je Prijedlog Odluke o pristupanju izradi Prostornog plana Federacije BiH.

5. Izvještaj o radu za 2024. godinu i Finansijski plan s Programom rada za 2025. godinu Komisije za vrijednosne papire Federacije BiH

Na glasanje je stavljen izvještaj o radu Komisije za vrijednosne papire za 2024. godinu. Sa 61 glasom *za*, 3 uzdržanih i s 13 glasova *protiv* usvojen je Izvještaj o radu za 2024.

godinu i Finansijski plan s Programom rada Komisije za vrijednosne papire FBiH za 2025. godinu.

Na glasanje je stavljen Prijedlog Odluke i potvrđivanje Finansijskog plana s Programom rada za 2025. godinu Komisije za vrijednosne papire. S 57 glasova *za*, 4 uzdržanih i s 11 glasova *protiv* usvojen je Prijedlog Odluke i potvrđen Finansijski plan s Programom rada za 2025. godinu Komisije za vrijednosne papire.

6. Analitički izvještaj Fonda za zaštitu okoliša Federacije Bosne i Hercegovine za 2024. godinu

Na glasanje je stavljen Prijedlog Odluke o prihvatanju Analitičkog izvještaja Fonda za zaštitu okoliša FBiH za 2024. godinu. S 52 glasa *za*, 3 uzdržanih i 22 glasa *protiv* usvojen je Analitički izvještaj Fonda za zaštitu okoliša FBiH za 2024. godinu.

7. a) Izvještaj o radu i finansijsko-materijalnom poslovanju Federalne agencije za upravljanje oduzetom imovinom za period 1. 1.-30. 6. 2024. godine

b) Izvještaj o radu i finansijsko-materijalnom poslovanju Federalne agencije za upravljanje oduzetom imovinom za period 1. 7.-31. 12. 2024. godine

c) Izvještaj o radu i finansijsko-materijalnom poslovanju Federalne agencije za upravljanje oduzetom imovinom za period 1. 1.-30. 6. 2025. godine

Na glasanje je stavljen zaključak prema kojem Predstavnički dom Parlamenta FBiH prihvata Izvještaj o radu i finansijsko-materijalnom poslovanju Federalne agencije za upravljanje oduzetom imovinom za period 1. 1.-30. 6. 2024. godine. S 52 glasa *za*, 3 uzdržanih i s 23 glasa *protiv*, usvojen je Izvještaj o radu i finansijsko-materijalnom poslovanju Federalne agencije za upravljanje oduzetom imovinom za period 1. 1.-30. 6. 2024.

Na glasanje je stavljen zaključak prema kojem Predstavnički dom Parlamenta FBiH prihvata Izvještaj o radu i finansijsko-materijalnom poslovanju Federalne agencije za upravljanje oduzetom imovinom za period 1. 7.-31. 12. 2024. godine. S 51 glasom *za*, 2 uzdržanih i sa 16 glasova *protiv* usvojen je Izvještaj o radu i finansijsko-materijalnom poslovanju Federalne agencije za upravljanje oduzetom imovinom za period 1. 7.-31. 12. 2024.

Na glasanje je stavljen zaključak prema kojem Predstavnički dom Parlamenta FBiH prihvata Izvještaj o radu i finansijsko-materijalnom poslovanju Federalne agencije za upravljanje oduzetom imovinom za period 1. 1.-30. 6. 2025. godine. S 52 glasa *za*, 3 uzdržanih i s 19 glasova *protiv* usvojen je Izvještaj o radu i finansijsko-materijalnom poslovanju Federalne agencije za upravljanje oduzetom imovinom za period 1. 1.-30. 6. 2025.

8. Izvještaj o stanju u oblasti oduzimanja imovinske koristi pribavljene krivičnim djelom u Federaciji Bosne i Hercegovine – pregled podataka i rezultati analiza – Federalne agencije za upravljanje oduzetom imovinom za period 1. 1.- 31. 12. 2024. godine

Predstavnički dom Parlamenta FBiH razmatrao je i primio na znanje Izvještaj o stanju u oblasti oduzimanja imovinske koristi pribavljene krivičnim djelom u Federaciji BiH – pregled

podataka i rezultati analiza – Federalne agencije za upravljanje oduzetom imovinom za period 1. 1.-31. 12. 2024. godine.

9. Prijedlog Zaključka Komisije za pitanja mladih Predstavničkog doma Parlamenta FBiH

Na glasanje je stavljen Zaključak Komisije za pitanja mladih Predstavničkog doma Parlamenta FBiH. Sa 78 glasova *za*, bez uzdržanih i s 1 glasom *protiv*, usvojen je sljedeći:

ZAKLJUČAK

Predstavnički dom Parlamenta Federacije BiH zadužuje Vladu Federacije BiH da preduzme sve potrebne aktivnosti na uspostavi sistema Amber Alert na području Federacije BiH, kako bi najkasnije do kraja 2025. godine bio pušten u rad.

10. Prijedlog zaključaka Odbora za ekonomsku i finansijsku politiku Predstavničkog doma Parlamenta FBiH

Na glasanje je stavljen Prijedlog zaključaka Odbora za ekonomsku i finansijsku politiku Predstavničkog doma Parlamenta FBiH. S 24 glasa *za*, 32 uzdržanih i 15 glasova *protiv* prijedlog nije usvojen.

Na glasanje je stavljen Zaključak klubova zastupnika SDP-a BiH, *Povjerenja* (Naroda i pravde i SPU-a BiH), HDZ-a BiH-HNS, Naše stranke, HDZ-a 1990-HNP-a, NES-a te zastupnika PDA Elzine Pirić, *Snage naroda* Arnela Isaka, kao i nezavisnog zastupnika Kenana Uzunovića. S 52 glasa *za*, bez uzdržanih i s 22 glasa *protiv* usvojen je sljedeći:

ZAKLJUČAK

Predstavnički dom Parlamenta Federacije BiH traži od Vlade Federacije BiH da u najkraćem mogućem roku u parlamentarnu proceduru uputi sveobuhvatne izmjene Zakona o Komisiji za vrijednosne papire Federacije BiH, a sve s ciljem povećanja transparentnosti i efikasnosti rada same Komisije.

Predsjedavajući je zaključio rad 24. redovne sjednice u 19 sati i 24 minute.

Transkript i prijepis transkripta čine sastavni dio ovog zapisnika.

SEKRETAR
PREDSTAVNIČKOG DOMA
PARLAMENTA FEDERACIJE BiH

Ivan Miličević

PREDSJEDAVAJUĆI
PREDSTAVNIČKOG DOMA
PARLAMENTA FEDERACIJE BiH

Dragan Mioković